


湖南府縣志輯

二十一

嘉慶通志  
同治沅陵縣志



K296.4  
10  
44

# 中國地方志集成

湖南府縣志輯 ⑥2

同治沅陵縣志

嘉慶通道縣志

江蘇古籍出版社•上海書店•巴蜀書社

重印通道縣志序

通道縣志修自前清嘉慶間迄今百數十年未經續修其間事蹟盡付闕如余為慨然者久之欲蒐閱舊志又以多歷年所迭遭兵燹鮮有完本嗣經都人士各鄉搜求始獲窺全豹但碩果僅存且蠹蝕不可翻閱嗟呼縣之有志凡境內山川文物昔人之嘉言遺行胥載於書上可備輜軒之採下足資觀摩之益其有裨於人心風

通道縣志 王序

俗者匪淺烏忍聽其殘闕不思所以補救之余於辛未冬因公赴洪之便爰攜是書付梓捐俸洋伯元重印五十部分置各鄉藉資考鏡俾已成之文獻不致散佚而無徵後之修志者亦有所依據是則余之志也夫是為序

皆

中華民國二十年歲次辛未季冬上浣之吉試署湖南通道縣縣長澧源王高忠題於府中之退補堂

重修通道縣志序

今夫始事為創繼事為因而因不徒因實補始創之畧創非妄創仍求繼因之詳時則有若通道縣志通道名縣自宋始元明迄

國朝沿其舊山城斗大規模隘也漢苗雜處風俗陋也兵燹後無志可考薦

通道縣志 恭序

紳先生難言之康熙甲子殷公誠一勞搜遠訪始創而成繼此而張公茂苑附載十餘篇去時未久亦猶行因之意也距於今百有餘年矣司業羅元圃李東園暨都人士於學宮工竣請予董志事竊思志猶史也豈易言哉周禮春官太史掌邦典小史掌邦

志漢遷為良史才班固猶抵牾之後  
亦有抵牾班書者韓昌黎辭不作志  
懼有人非鬼譴是修志一事創之難  
因之亦難若因而兼創則尤有三難  
焉邑志本於州志殷公甫創體例未  
備張公績之靡經彙纂嗣羅公帶漢  
藝文雖付剞劂亦未列入乘中零星

錯綜迄無端緒今欲網舉日張源流  
一貫恐有治絲益棼之虞一難也志  
歷年多則變遷異自封域營建秩官  
選舉與夫典禮人物賦役風土等類  
其中因革損益之故乾隆庚辰前州  
志猶足採其後書缺有間矣意謂一  
邑之掌故稽文卷可燦然備而通邑

書吏少專責物換星移卷帙散亂半  
飽於蠹蝕叅諸輿論又復傳聞異辭  
今欲循名核實去疑存信恐不無魯  
魚亥豕之誤二難也志需集思廣益  
而成通都大邑可資考鏡者雖無老  
成人尚有典型通邑文獻不足無以  
擴見聞顧十室之邑必有忠信上下

百年中其或為孝行節烈或為善士  
者英無論近城里閭即豁尚密菁之  
間所在多有然往往韜光匿彩不甚  
喜表揚有司末之知也今欲顯幽聞  
微纖毫必錄恐未免滄海遺珠之歎  
三難也因其難而畏之則美雖彰者  
咸弗傳知其難而行之則來可聞者

往亦繼予不敏竭耳目之力求一心之安引伸觸類酌古揆今於其所不知蓋闕如也何嘗敢作聰明以亂舊章哉因而割也亦割而因也嗣是文教振興人才崛起將見彬彬郁郁上達輜軒則今之屬望於後者其即昔之有待於今也夫

皆

嘉慶十七年歲次壬申孟冬中浣之

吉

特授文林郎湖南直隸靖州通道縣知縣

丁卯科本省同考試官新吳蔡象衡  
題於署中之小壺天

序

粵自外史掌四方之志小行貢五物之書納賈陳詩知一時之丕變徵文考獻備千古之參稽以地以人責備名而責實其言其事務傳信而闕疑余以歲次昭陽支逢作噩叨選廣文末席借補通道西齋浮滄浪之濱過綠蘿之麓沿溪左達渠陽雁翼徘徊魚鱗隱見俯澄波之歎欲仰翠岳之

峴岬地迥天高瀾迴峽束中流遙矚境以窄而彌幽極浦凝眸地以偏而益妙竟渾忘夫鴛鴦聊自適以相羊於焉收策誕登拜檣趨步度釋奠於先聖漸修擊於邑侯邑侯

蔡松亭先生丰神朗爽局度恣容娓娓清言居然劉曠翩翩書記弗藉元瑜乍握袂以談心即探懷而投簡縣志十卷成稿兩春

先起例以發凡繼揮毫而紀勝有條不紊  
片善必登因未獲夫梓人致久束於緹架  
今秋同學諸子將事惟寅誼余以校讎責  
余以釐訂余念修史莫難於志而闕文莫  
久於通西堂之本安存別業之人何在驗  
楮環於磨螿十端非可管窺考錯互於犬  
牙四境誰能指布河山如故歲月幾更甚  
布星羅未易方員中萬璋分珪合更難斷

通志卷之二

續聯珠興事建功經營弗獲寓目任土作  
貢酌劑靡及留心大而秩序惇庸常聯瀟  
計細而毛鱗羽介阜藪英蕞將加膏以希  
光語嫌多飾款琢雕而還樸言之無文但  
史嚴勸懲貴並行乎衮鉞而志效紀載無  
須藉以和糠非續檮杌之書矣待董狐之  
筆溢美固乖正體索瘢亦屬別裁况我  
聖朝聲教覃敷光昌普被絕徽咸歸履情遐荒

盡隸版圖羣生沾雨露之滋萬國慶風雲  
之會通道雖邊隅下邑同耕

禹甸共載

堯天里巷多經誦之聲封疆之烽燧之火椎警  
兮加冠束帶缺舌兮說禮敦詩同軌同文  
同倫樂獻野人之日有猷有為有守端從  
君子之風則志書一役齊政不易其宜修  
教不易其俗祇須因勢利導惡用改絃更

通志卷之三

張事言既有典常弗至雜而不當人地別  
無假借庶幾信而有徵余乃細繹以重中  
竭勳之旁午意存中和於丙夜義歸敦  
厚而丁寧兼辨魯魚勿紊焉馬竊喜飛蠅  
之附驥遠云斷狗以續貂是為序  
嘉慶二十年歲在乙亥季冬中澣之吉戊  
午科舉人揀選知縣以教諭銜補通道縣  
訓導盧陽何頃翁亭謹識

通道縣志

原序 康熙二十三年

按察 宮夢仁

楚南東訖高貢之揚西訖梁北訖豫南訖乎黔粵地輪廣可數千里其間群縣相望如星羅密布不可殫紀而靖州屬之通道與黔粵接壤邊楚南徽在唐為恭水後貞觀間以雄繁望分縣易為羅濠寨直以彈丸黑子置之自宋元迄今仍為縣墨綬專城控取搖撞實楚南要服地哉

通道縣志

原序

一

詔天下郡國纂修一統志以垂永久凡遐陬僻邑莫不畢具甚鉅典也夫志亦何昉乎昉之自禹貢始觀其所紀山川田賦貢物而外不他及文約而辭簡非如今之志夸而鮮實浮而寡當文繁而辭費也或則以為志當其創則簡之而不容不簡志有所因則繁之而不得不繁而余不謂然蓋志也者志其疆域之廣袤山川之形勝壤賦之多寡人物之或衰以及古蹟民風戶口物產之移易而志之繁簡實因之故有昔簡而今宜繁者昔繁而今宜簡者簡之不近於畧繁之勿流於泛斯兩得之已余茲深有難乎通道令嚴君之為是志也君與余

通道縣志

原序

二

同里執業長安分索不面者今十載余適承乏三楚君亦絆驥通道使來質志於余并問序焉難乎嚴君之為是志也凡事因則為功易創則為功難通道以兵燹之餘值載籍湮絕之後君能成訪故老搜輯散軼獨創是志其心苦其才長所謂非好學深思者何克臻此乎其為書帙雖少而事核體既協而類該為文則約為辭則簡所應有者有之而非泛所本無者無之而非畧頗合乎禹貢之旨志也云乎哉矧通道漢苗雜處彫地已久君既勞亦雁戶復撫輯弄服使皆俯而聽命而且建常平開義學駸駸有成效比之文翁化蜀又何多讓今讀其所作八景詩什補志所未有足稱藝苑笙簧於以鼓吹休明補助

聖朝右文之治斯志實基之已

入序 康熙二十三年 邑令 嚴道正

余讀書之二典詩之二南竊疑先王化民必有異術及觀經籍志曰昔者先王之化民也以五方土地風氣所生剛柔輕重飲食衣服各有其性不可變遷是故疆理天下物其土宜知其利害達其志而通其欲齊其政而修其教余乃始恍然於先王

敷政宜民為得其要也設為治者恃才智不順民情不隨土俗寬猛惟其所用張弛失其所宜以是求治真南轅而北轍矣然前事之規即後事之師此郡邑之志有裨於政治者大所以與國史並重而為

聖朝之所纂輯維慙也余不敏叨令通邑拜

命之時適逆氛集張地方未復庚申三月大兵克復辰

諸余適師暨任度羊蹄走烏道見萬壘中茅屋數

間土城斗大一二胥役蓬頭跣足指余曰此縣治

也余嘆曰邑名通道而地僻民愚若此何名實之

通道縣志

原序

三

不相副耶時亟欲取邑乘以考其星緯之纏度山川之形勝土地之肥瘠戶口之多寡以及風俗之淳蕩人文之盛衰并古蹟名賢之傳述以施其政教焉而二三父老或曰通邑僻處天荒向無志或曰昔有志屢遭劫火片簡燼盡其大畧附於州志後余恫然久之嗟乎當此人民離散之際考詢無從日擊星散哀鴻痲益切余乃先其所急親歷險阻曲盡勞來撫綬使其葺敝廬循故業漸有還集之樂而徵文考獻尚待其時辛壬之歲苦於軍供簿書無暇越癸亥四海昇平民安樂利余因

尋遺書於孔壁瓦斷簡於秦灰薦紳士夫咸無以應請以州志為準而欲余補所未備余聞史責三長志兼諸體郡邑之志猶古列國之史也問誰為今日之掌故以成一邑之傳書以續數百年之闕文耶士夫不我告余又塊不敏迨甲子春

聖天子加意右文省風問俗

詔十五國按地博蒐繪圖以進用知天下之山川道里

民風土俗且購求名山石室之藏以備史臣編摩

特矜休哉

皇輿大一統治將於

通道縣志

原序

四

昭代而觀其極盛也兩臺檄檄屢下余既叨守土寧敢曰文獻無徵而通邑之志獨可闕焉弗講耶因取縣志附於郡志者以考其畧而與一二碩彥討論考訂未以見闕合以輿論缺者補之訛者正之分類別則每篇冠以小論而通邑分野之疆域山川形勝風俗沿革戶口則壤人文物產庶幾燦如列眉瞭若指掌大都通道係南楚末邑夜郎故墟李唐以前猶屬化外貞觀中改為羅濠寨漸通聲教宋崇寧間始縣焉其土瘠其民貧其俗薄其風滿里團漢一苗四田賦各半苗民好勇鬪狠尤為



難治雖彈丸黑子而界連黔粵收漢之團頭播揚  
之上瑛實當未雨綢繆此通道之大端約畧可數  
也後之來牧者按籍以稽知其土瘠民貧而休養  
生息知其風漓俗薄而漸仁厚義知其好勇難治  
而寬猛並濟知其接壤外界而思患預防安必先  
王隨俗雅化之治不可復見於蕞爾邊荒也哉然  
則是書雖無補於

聖天子今日之來風或有裨于將來之考鏡雖未敢為  
一邑之傳書或亦可以塞軒車之下問若謂余敢  
恃三長而綜諸體自附於作者之林敷政宜民而

道  
道縣志

原序

五

不愧先王遠志通欲齊政修教之旨以自昧於夙  
夜貽譏於大雅也余則何敢余則何敢

又序

康熙四十九年

邑令 張嘉麟

國家臣服海內撫馭萬方自王畿以至郊甸遐荒  
僻壤之區彈丸黑子之地莫不纂輯輿圖而登諸  
天府非所稱大一統也哉然而莫為之前雖美弗  
彰莫為之後雖盛弗傳使無人繼而修之幾何而  
不至於湮沒也余自丙戌暮春蒞任恭水即為披  
覽縣志見前令殷侯修舉以來已二十有餘年其  
間山川風俗之舊鄉城村落之墟已為之載入而

前賢之遺迹

國朝之名宦著於當時而可傳於後世者尚有闕而不  
詳之慨焉况更歷數十年而後故老云亡舊章廢  
墜而欲舉從前軼事勒為成書備一邑之掌故以  
上報

天子採風之使不亦憂憂乎其難哉故余當公事之暇  
不憚廣為咨詢求之見聞攷諸父老以補其遺闕  
他如建義學立倉廩設先賢祠畧附之記傳以無  
忘一時之舉庶後之君子自甲子以及於今凡人  
物之廢興戶口之多寡守土者之曠官與盡職覽

道  
道縣志

原序

六

其邑乘可瞭如指掌矣

通志縣志

凡例

一立綱目

海為宗而江漢朝之木有本而枝葉附之温公作通鑑紫陽作綱目胥是意也舊志如輿圖疆域星野沿革形勝山川古蹟可以封域統之城池公署學校壇廟園梁郵遞可以營建該之物產可兼於風土仙釋可歸於凡聞奏疏可入於藝文前分二十四日錄以為綱則煩而難稽以為目則簡而難括今立十綱六十八目繁累如貫珠各從其類開卷了然並於每篇

通志縣志 卷首凡例

一備典禮

觀其會通以行典禮所以維風俗肅規模也古聖賢用夏變夷於斷髮文身之地禮陶樂淑大啟文明通道禪丸小邑祀典禮儀序必有其廢之莫敢或舉舊志此例闕如今特補入雖飲射等儀一時未及舉行然未行者備已待用已行者率而循之俾國人有所矜式

一勤採擇

樂安有金披沙而得楚山有玉破石而求一邑中人

物事實宜採擇者殊難枚舉而節孝可以勵俗尤須

發潛德之幽光年深歲久彼既未請旌於前忍復令

湮沒於後舊志僅列數條自多遺漏今將州志所載

盡行採入又勤詢之故老訪之輿論如楊孝子孝節

婦苗里尚不乏人漢里更可知矣特以耳目有限不

過求盡吾心所知者紀於新乘不知者俟諸後賢

一詳稽考

核實循名觀政教之興廢徵文考獻識人材之盛衰

百餘年秩官臧否不一非稽其人考其任無從而知

今則次第詳載並列官蹟以待高論知人者通邑武

通志縣志 卷首凡例

職把總一員駐劄縣城外委一員分防牙屯堡汛查

各縣駐防武弁皆統於州城之協鎮非縣所能分所

以尊州也其歷來正署姓名未暇細考選舉則逐一

細稽增入未敢從畧此外亦有未詳者或附存名目

或統紀處所如養濟院育嬰堂義塚等類是也田賦

戶口遵照核定賦役全書載明

一存舊著

前賢筆墨珍為片羽吉光示不憖於舊章也今志雖

新立綱目規模改觀而舊志凡例小論仍未敢刪抹

先後附存之前令嚴張羅三君俱有詩之一章一句

無不登錄復於民間得魏公留別士民詩四首亦彙纂於藝文中其羅詩註解盡載不合體裁故去之以從同並將近今賦景即事凡有闕通邑者兼收博採以寓多文為富之意焉

一辨真偽

信以傳信疑以傳疑取其真也通邑蠻煙瘴雨羊腸鳥道名士高人來遊裹足既無名山大川仙跡亦少如諸葛基佛子嶺五虎潭等古蹟恐多附會近傳玉峯山童僧戒行高潔尚留遺蛻其事頗真亦並存之可也

道通縣志

卷首凡例

三

舊例

一縣雖建自有唐究屬邊徼荒服兵火不常文獻無徵余因採州志集凡聞謬創是書不敢簡以從約不敢煩以失真其有未備滋俟後賢

一山川形勝界連黔粵層巒疊嶂莫可殫述而騷人逸客吟咏罕聞然一邱一壑皆可怡情余因相傳之八景各成一律聊以志山川之勝云

一田賦戶口漢里一苗里四然額載丁田賦稅大約漢苗各半其起存額數裁復款項一遵

本朝賦役全書為半不敢少有紛更

一秩官自有明以前姓氏湮沒弗可考有明以及本朝凡有冊籍可稽者彙志勿刪使後之人可以指其名而數之曰某也賢某也否其所以垂鑒戒而存忠厚之意實有在也

一孝子節婦原屬天真非可勉強通道雖小在昔豈無人倫不愧之人但兵燹頻仍欲稽無自今僅得割股救親者一二人雖為會典不載姑志之以勵違方孝行焉

道通縣志

卷首凡例

四

一流寓古蹟未敢附會雖昔時名賢往來於夜郎封內者不一其人如伏波之平五溪武侯之擒孟獲青蓮之流夜郎了翁之謫誠州豈無一流覽佛子芙蓉之勝而祝駕耶然無碑碣可考余寧存信勿敢存疑一仙釋為世艷稱作志無不殫述然秦皇漢武終悟其妄余雖不敢謂竟無其人亦不敢謂實有其事况志以傳信記冊故老並無傳聞余不敢緣飾以欺後人一通道小邑向苦差徭不均民生日蹙余因幾費躊躇哀請各憲照糧均差庶幾十年生聚但人移事改往往而有余特將原詳錄登以冀垂之永承然不遇為民起見非敢謂遺美政於百年也

通道縣志總目

卷首

新序 舊序 凡例 目錄 姓氏

卷一

封域志

輿圖 星野 沿革 山川 形勝

卷二

營建志

城池 公署 學校 倉庫 闔隘

郵舍 壇廟 坊表 街市 村寨

通道縣志

卷首 目錄

一

卷三

賦役志

戶口 田賦 存留 撥運 均徭

走遞 起運 雜稅

卷四

典禮志

祭祀 慶賀 開讀 新任 迎春

封印 開徵 救護 講約 鄉飲

鄉射 送學 賓興 貢試 會試

賓見

卷五

秩官志

員類 姓氏 官蹟

卷六

選舉志

進士 舉人 貢選 監選 武紳

卷七

人物志

封贈 鄉評 孝友 耆壽 列女

卷八

通道縣志

卷首 目錄

二

風土志

風俗 土產

卷九

藝文志

奏疏 詳移 記序 文

跋 引 傳 賦 詩

卷十

見聞志

古蹟 災異 仙釋 寺觀

修志姓氏

鑒定

欽命分巡湖南辰沅永靖等處地方兵備道

姚興潔 香南安蕨桐城人

特授湖南直隸靖州知州

諸嘉杏 和瓶谷浙江仁和人

纂修

直隸靖州通道縣知縣

蔡象衡 松亭江西奉新人

協修

通道縣教諭

羅臨遠 元圃長沙人

通道縣訓導

李逢生 東園保靖人

校訂

通道縣志

卷一 姓氏

一

通道縣訓導候補知縣

何 垧 翁亭桂陽縣人

監局

通道縣播揚司巡檢

芮玉衡

通道縣典史

袁雲從 江西萬載人

校對

拔貢

生 曹爾信

歲貢

生 楊之秀

生

員 陳時見

康

生 齊本睿

生

員 楊昌賢

康

採輯

生 楊楚湘

生

員 楊之亨

監

生 曹之璠

生

員 曹之賢

監

生 楊正錕

生

員 郭廷玉

生

員 劉天輝

生

員 楊之芬

繕稿

通道縣志

卷首 姓氏

二

生

員 楊之睿

生

員 郭佩玉

通道縣志

封域志

輿圖

分野

沿革

知通道縣事蔡象衡纂修

黃帝畫楚命豐玄通道塗大禹奠州使該章極經緯  
封域之名以昉周代直茅昨土封建羣侯俾盡捍衛  
牧圉之職王制官禮班班可考秦分天下為四十四  
漢置郡國為十三州部遂為郡邑封域之始晉裴秀  
設法定域分率以辨度準望以正體因地制行頗稱  
盡善自永嘉後偏安江左封域割裂矣嗣唐分為十  
道宋分為十五路又增為十八路沿及元明代有變

通道縣志

卷一 封域



序




遷 本朝版圖式廓雅化涵濡海澨山陬風同道一  
通邑雖彈丸其山川之所鍾與夫星象之所系悉燦  
然具備焉統而論之四海一封域也分而按之一邑  
一封域也茲特弁封域於篇首云  
建邦啟土域之以道里界之以山川俾各賦其稅各  
治其民先王為萬世計深遠也通道僻在邊鄙苗蠻  
雜處苟疆界不明藩籬不設脫有奸宄狡焉思逞能  
無貽守土憂未雨而計綢繆則疆域尤不可不亟明  
也舊志

輿圖

輿圖肇自九鼎備於職方所以紀山川考形勝辨  
阨塞昭疆域令蒞茲土者按圖而稽瞭若指掌居  
常禦變庶幾政教隆然舉也通道雖蕞爾邑然四  
境皆山界連野粵苗蠻雜處實為楚高要地設險  
封圻奠土生聚更保守土急務故作乘必先列輿  
圖於首而不羨聚未為山也舊志











通道縣志

六



通道縣志

七

